



忠義集序



宋有天下三百餘年以仁厚  
立國以詩書造士以節義勵  
士大夫故其士民觀感興起  
皆知殺身成仁之為美及其  
遭罹變故而且亡也死宗廟  
者有之死社稷者有之死君  
上者有之死城郭封疆者又



有之下至山谷之儒里巷之  
婦亦皆秉義抱節矢死不辱  
嗚呼漢唐之末曷嘗有是哉  
南豐水村劉先生堦如村劉  
先生麟瑞生當宋元之際懼  
忠臣烈士貞婦湮沒而無傳  
也水村作十忠補史詩如村  
作昭忠逸詠皆據其所見聞

而錄之蓋野史之流也其邑  
人趙秉善合二先生所作為  
一編附以汪水雲方虛谷諸  
君子傷時悼事之什若干首  
總謂之忠義集當是時元有  
天下諱言宋事諸儒於是集  
私相傳錄而已歷世既久遺  
老凋謝殆盡後生不知前輩



麥秀黍離之悲而是集幾與  
塵埃蟲鼠共弊于敗篋之間  
上舍生趙君璽二先生之鄉  
人也得是集於老農之家讀  
而悲之迺校補其訛缺持以  
示予予受而閱之觀文履善  
對孛羅之語謝君直復留夢  
炎之書為之慨然觀吳楚材  
荅錄事之詰朱浚語兵士之  
詞毛髮洒然恨不生同其時  
助其怒罵也觀劉銳幼見下  
拜受藥與王士敏書詩于裾  
以死自誓又泣然淚落而不  
能自已也嗚呼三百餘年樂  
育之效可見於此矣因釐為  
七卷錄而藏之浙江僉憲王





原件短缺

P4



君廷光見之歎曰此集所紀  
多宋史所遺者是不可使其  
無傳將刻諸梓屬予序之嗟  
夫忠義人之大節也根於天  
性具於人心凡立於天地之  
間而名為人者孰無是性孰  
無是心哉惟存養不失則其  
氣浩然一旦遭事之變觸白  
刃蹈鼎鑊而不懾若此集所  
載諸君子是也先正有言讀  
出師表而不流淚者其人必  
不忠讀陳情表而不流淚者  
其人必不孝予謂讀是集而  
不咨嗟涕洟者尚可謂之人  
哉廷光佐外臺風力凜然倦  
倦歎刻是集而傳之其所契



者深矣

弘治五年歲在壬子夏五月

庚午朔

賜進士第資政大夫刑部尚書

盱江何喬新書

忠義集目錄

卷之一

水村補史十忠詩

知渾州湖南安撫使李公芾

池州通判權州事趙公卯發

丞相都督信國公文公天祥

參政行丞相事陸公秀夫

前左丞相文忠公江萬里弟萬頃

江西制置使司都統密公佑



淮東制置使知揚州李公庭芝

樞密閩廣宣撫使陳公文龍

少傅樞密使張公世傑

四川制置使知重慶府張公瑛

卷之二

如村昭忠逸詠

忠義總管田公燧 鳳守李公寔

西河知州陳公寅 守將楊公銳

沔州知州楊公起 通判王公友仲

階州守臣董公鵬飛

天水知軍時公當可

西河總管陳公瑀 都統曹日公友聞

大安夜戰死節諸將

制參王公翊

權知文州劉公銳 通判趙公汝薌

綿漢簡州死節諸公

金州守臣和公彥威

統制楊公福興

卷之三

昭忠逸詠二

都統何公進張公玠

同慶知府李公冲偕死節諸公

四川制帥陳公隆之

臨江軍守臣陳公元桂

總統黃公仲文保義廉公節

觀使許公彪祖

都統張公桂金公文德

援襄都統制張公順

援襄都統制張公貴

守襄都統制牛公富范公天順

沙洋堡裨將邊公居誼等

饒州守臣唐公震

卷之四

昭忠逸詠三

丞相汪公萬里弟南劍州知府萬頃



宗室趙公崇源

端明招討使汪公立信

丞相信國公文公天祥

從文丞相戰死諸公

常州守將王公安節

知府姚公訔

湖南安撫知潭州李公芾

知衡州尹公穀

江東運副趙淮妻某氏

都統制密公佑

沙市監鎮司馬夢求

卷之五

昭忠逸詠四

淮東制置使李公庭芝

都統制姜公才

浙西提刑徐公道隆湖守趙公良淳

參政高公應松

蜀帥張公珏

太社吳公楚才

儒士王公士敏

樞密丞相陳公文龍

嗣秀王與擇瑞安守臣方洪

建寧儒士朱公浚

處士林公同

丞相陸公秀夫

樞密張公世傑

江東制置使謝公枋得

廣西經畧馬公旼

美人朱氏

孺人林氏

臨江潮州惠州靜江池州等處死節

諸公

少主納欵

卷之六

附錄諸公詩一

唐清父

甲戌客臨安

和朱以性

抗亡

閩亡徒東廣

廣亡徙海

厓山亡

江南四忠節

丙子紀事



懷黃小牧

讀史懷友

方虛谷

挽呂襄陽

丁復見

可惜

彭秋宇

樊襄失守

江上師潰

南征

再平南擾

西風

庚申喜聞

邊事

乙亥紀聞

乙亥冬

讀吟嘯集

秋興

世事

聞鬼

感舊

罪言

閑愁

感舊

鮑以行

重到錢塘

柯茂謙

魯巷

程自脩

痛哭

安如山

曹將軍

斯道立

出陽渡江

咸淳庚午朱尚書席上醉歌

曾仲材

挽曾參政

無名氏

經賈秋壑故第二首

王介夫

題劉如村昭忠逸詠



卷之七

文天祥詩

越王臺

太和

汪楚狂

感慈元殿

劉水村

西捷

錢塘懷古題仙源雲仍家譜

雲仍趙宜誠

羅宜城

聶思敬

王中行

甘伯清

彭文博

附錄諸公詩二

黃金市

金陵驛

劉子長

趙則榮

黃雲龍

胡道光

李叔鈞

周桃川

忠義集卷之一

補史十忠詩

水村劉堦撰



詩以厚倫美化為本、非白諧俗寄情而已、  
即千篇奚益、每思張許二顏、同時死國名、  
芳唐史與天長存、近代死節數公、何愧往、  
昔顧麥秀黍離、無繇做柳州、狀逸事、上太、  
史庶幾不朽、竊以慨念、更後幾年、遺老漸、  
盡、舊聞銷歇、將無復知有斯人者、悲夫、哀、



哉死臣子職分古人常事尔死矣寧顧其  
傳不傳乃亦不可無傳者為其係彝倫關  
風教厲後代之臣子媿前日之不如數公  
者也採清議得忠義臣十人史不書各賦  
十韻纂其實曰補史詩

知潭州湖南安撫使李公芾

三已甘退休十連起遲暮伊誰急求子流  
落乃不怒黑雲來如山殺氣震平楚恭惟

君父命封疆以身護闔門義不辱呼卒汝  
善處飛魂隨劍光自己投火去天泣鬼神  
愁地搖山嶽仆吾非莒柱厲敢以死醜主  
正自常事耳命義逃安所冲遠誰與儔睢

陽有張許

吉挹字祖冲了穆  
字彥遠皆晉忠臣

州通判權州事趙公

卯發昌州人  
妻雍氏

若人作何狀立節乃殊偉人言此蜀玆位  
卑名未起坐分秋浦月攝此千里寄沙頭



風色惡寒城凜弘峙吾聞開關迎棄遁亦  
復恥茲惟城郭臣大義吾知己間道走帛  
書灑血別玉季細君絕可人雙飛同一死  
南八彼男兒此婦乃如此骨朽香不廢吾  
詩當清史

丞相都督信國公文公

天祥丙辰  
狀元

時平輒棄置事迫甘前驅嗚呼忠義臣匪  
直科目儒江寒朔吹急列城同一趨豈不

寄便安網常乃當扶移檄倡諸鎮奮袂躬  
援抱川決莫我回萬險棲海隅天乎復不  
濟道窮竟成俘一死事乃了吾頭任糝糊  
悠悠譏好名責人無已夫三衢有魁相投  
老作尚書

三衢魁相  
謂留夢炎

參政行丞相事陸公秀夫

天地無託足海天同隰光明知復何為不  
忍隳三綱裸薦覲少延謳歌寧遠忘或者



莒在齊聊且帝一方竭蹶竟委頓臣謀非  
不減運去天莫留力盡心彌強終不負吾  
主名義天地長懷爾隨龍游舉室水中央  
斯人文華士乃尔百鍊鋼機雲儻通譜應  
羞朝洛陽

前左丞相江文忠公萬里弟萬頃

匡廬雲錦屏鴻儒產其下風神儼如龍天  
矯莫可駕卷懷經濟具婆娑洛中社恠事  
玉林搖清晝天忽夜突騎從何來陰風飄  
屋瓦大臣義有死欲避吾不暇庭前環止  
水萬事付一捨從容友靈均朝野動悲吒  
愍章極哀榮汗簡誰記者倘有南熏書季  
方足堪亞

江西制置司都統密公侑

臣有置身義豈計官崇卑偏將知死忠不  
曰天下奇漢節既披靡失位趨江西聞帳



駐臨汝招徠樂其歸雪寒南浦愁羽檄  
斬濟師一將奮風虎鼓行亟颯馳踰嶺疾戰  
苦累瘡呼健兒坐縛膝不屈伏鑽甘如飴  
小臣裨校耳職也宜死綏廬州大將在白  
首豎降旗

淮東制置使知揚州李公

庭芝

淮海接風塵胡乃似錢鏐臥護有天人十  
載藉福力重來人未老愁絕事如昔苦戰  
孤城危痛哭天柱折夢遊三山上人倫浮  
海出突圍志南征吾欲重建極天弗鑿臣  
忠冥冥墮叢棘先軫面如生萇弘血化碧  
臣死誰復知臣忠終不易一將更大事嚼  
舌死罵敵

樞密閩廣宣撫使陳公

文龍  
狀元  
戊辰

淳熙名宰孫比德粹如玉決科魁偉英駉  
駉薦冠肅類田頌諫疏相嗔俄族逐補郡



仍免歸黃流已漫陸天族日光薄力疾支  
顛覆蹉跎南冠執紼道病死不辱往昔五峯  
堂傾蓋語跋燭斯人真妙人哀哉慳厚祿  
長揖丙辰魁各天並黃鵠不有二忠存千  
古笑科目

少傅樞密使張公世傑

士有守節死豈以責武夫武夫尚能竒消  
得銀管書何許能熊虎英鉄面美髯鬚護寒  
久枕戈赴難甘捐軀金山定活着志願嗟  
違初江心集群策炎精回一嘘間閔障海  
嶺萬死存趙孤時也可柰何北風散播烏  
漂漂竟何之無乃膏鯨魚渭濱多貴將反  
笑斯人迂

四川制置使知重慶府張公珩

坤維拓提封形勝古天府血戰五十秋零  
落餘八柱江南傳箭急誰暇此回顧落日



古渝城秋鉞乃甚武天東甌雖墮吾自強  
支柱渡瀘躬討逆歸來戰彌苦蕭條下夔  
門機穿伏中路吐吐快敵仇誰歟掩坏土  
哀哉關西雄國止猶不負同時督軍將腰  
金插雙虎

右襄園以來死忠者不止此然多所不知知其詳且顯者莫如此十公故先賦此十詩尚俟續書以著大節噫十詩存即十忠不忘吾十詩亦永存矣是未易與俗子言之見輩深藏之非深於詩精於理者勿輕示之云

忠義集卷之二

昭忠逸詠一

昭忠逸詠

士見危致命此立身之大節君子道窮之時但當委致其命以遂吾之志而已功業係乎時忠義存於我於漢唐得諸葛公狄梁公郭令公天下服之社稷生民賴之可為委質事君之法若時與道違當效杲卿真卿張巡許遠輩庶幾君臣之義盡矣宋



史未脩其季世使節死義之臣將遂湮沒而勵賢善俗士君子之所當為也南豐逸士劉如村作昭忠逸詠茲以見示觀其事蹟具備贊詠警策誠有益於風教者烏嘗聞劉後村有詠史三百首游清獻公愛之携入都堂今如村之逸詠實可備太史氏之採擇非特游公之賞識而已噫五倫之道五常之教周浹維持於上下數千載之間者如一日非人力之為皆天理之同然也覽是編者亦克用勸文學掾相臺岳天祐書此以識所曾觀至順壬申中元如村自序

禮曰謀人之軍師敗則死之謀人之邦邑危則止之其有偷生徇利者豈禮也哉子曰志士仁人無求生以害仁有殺身以成仁其是之謂乎嘗讀十侍中顏乎原暨張



許二公死節事未嘗不潛心繙閱若身處  
其間雖歷千載猶使人興起也非志士仁  
人手宋末革命豈無繼踵者顧湮鬱弗彰  
殊可歎也欽惟太祖皇帝啓運朔方肇興  
大業世祖皇帝神聖英武受天明命混一  
區夏兵威所鄉罔不解甲投戈以迎王師  
亦復有不忍遽忘君父背城借一戰者豈  
違乎天命哉為臣死忠古有明訓則亦惟  
曰臣子職分爾苟食祿避難含恥易節朝  
為仇敵暮為君臣於義何在春秋袞斧何  
所逃乎善手翰林侍講學士元公明善志  
集賢直學士文公陞之墓曰宋死節臣少  
保右丞相兼樞密使信國公姓文氏嗣子  
某官某書法昭昭則世之公論豈矣迨惟  
仗節死義之士事日益遠歲日益深遺老  
日益凋謝舊聞日益銷泯其不與草木同



腐者幾希、暇日搜討遺事、賦五十律、題曰  
昭忠逸詠、惜乎材疎筆弱、無能發揚、姑志  
其槩、以彰節義、俾死封疆、死社稷者、含嘆  
九地、曰、吾名不泯矣、寧不少慰忠魂於千  
載乎、寧不為明時風化之一助手、於是乎  
書

至治元年辛酉日南至豐民劉麟瑞稽首  
再拜謹述

昭忠逸詠

如村劉麟瑞撰

天水趙景良秉善編集

忠義總管田公燧鳳守李公寔

鳳州在利州西路漢為武都郡固  
道河池縣地南齊政州西魏鳳州  
隋立河池郡唐鳳州又  
改河池郡復為鳳州

天西戰士競、銜枚乘會、關夷路始開、兩蜀  
金湯隨水逝、三秦烽火照天來、鳳州文武



渾無愧馬嶺英靈只自哀後夜魂歸何處  
寓隴頭瀟洒一枝梅

辛卯三月十三日大兵自興元府邊面  
乘會關入宋界十八日闖鳳州至馬嶺  
堡忠義總管田燧以兵三千駐堡鏖戰  
數日援絕死之四月二十二日陷鳳州  
知州李寔通判張度  
教授張叔寅死之

西和知州陳公寅守將揚公銳

西和州在利州西路秦隴西郡臨  
洮縣西魏岷州隋唐改臨洮郡政  
和郡復岷州宋以金  
人請和改西和州

陰風蕭颯起黃埃錢騎追奔動地來石堡

梯空天險壯水門豐隙殺機開不期溟海

鵬千里自守封疆鳩一杯四十萬民登鬼

錄伊誰為使哭聲哀

辛卯秋八月十四日大兵陷西和州初  
揚銳為推鋒統領千兵戍守與陳寅  
率兵民憑城死戰俘殺甚多西和削山  
為基四面陡絕獨水門一路有豐將官  
劉卓挾小怨踰城以水門降大兵乃併  
力攻陷寅與其家四口自鳩死銳卒  
諸將力戰死寅先籍城中三十七萬九  
千單八口告急制司求援至是盡殲焉



沔州知州楊公起通判王公友仲

沔州在利州西路漢沮縣地蜀立梁州梁立武吳國魏立興州唐興

州宋因吳曦之變改沔州

談笑誰將敵將殘沔陽屯戍怯孤單兵威到處降非易地利乘機守亦難五馬交綏

凝血碧貳車含憤剖心丹文臣武將均無

忝不負吾君不素餐

辛卯冬十月十七日大兵至青野原都統張宣以兵二千守之部將馮澤偽降

誘殺大將連不罕遂拔營去廿日攻沔州都統知州楊起戰死通判王友仲死

之沔

階州守臣董公鵬飛

階州在利州西路漢武都郡西魏立武階郡改武州唐武州改階州

相傳報怨撼階州虎旅飛來睨敵樓搭矢

蔽空天入暝鵝車衝壘地生愁金城魚肉

千年恨闔境衣冠六日休莫怪傳家猶強

項雲孫忠節更風流



十一月廿七日大兵逼文州聲言報花  
石峽之虞都統曹友聞遣步將全貴往  
援戰歿詰朝自文合兵攻階被圍援絕  
知州董鵬飛拒戰十二月三日城破鵬  
飛全家死之  
大兵屠其城

天水知軍時公當西和總管陳公瑀

天水軍在利州西路秦天水隴西  
縣漢立天水郡魏改秦州宋秦州  
為虜所隔惟天水縣  
獨存乃立天水軍

天水西和兩將強七書貯腹負剛腸魚麗

陣布刀如雪馬革屍空骨似霜廉蔭昔存

秦真敵關張今敗蜀終止輕財得士人猶

惜長想英風慨智囊

丙申端平制司檄時當可知天水軍自  
大安提兵度關之官三月十九日趨麥  
山積山擣北寨斬首數千級翌日大兵  
乘其跋涉初至擁眾追躡當可力戰死  
兵盡歿夏四月大兵至同慶西和州總  
管陳瑀提兵屯遇大兵於赤菜谷力  
戰不敵亦死當可字文舉天水人也  
與曹友聞相得從友聞軍屢立功智數  
膽畧友聞自謂不如尤輕財得賞賜均  
與戰士死之日妻子赤立瑀字伯玉西  
和貢士也累戰  
有功軍民惜之



都統曹公友及大安夜戰死節諸將  
鴈塔名香本一儒執父幾度為前驅元戎  
却敵世間有教授提兵天下無花石峽麇  
忠勇奮水牛嶺度死生殊英風壯節誰能  
匹千載人稱大丈夫

勇戴兜鍪學大韜赤心報國是英豪遍身  
膽在存全蜀蓋世名高惛短曹雞堡出奇  
師旅沒龍門盡銳弟兄勞當時制帥猶多

### 計獨向深山遠遁

友聞同慶栗里人也擢丙戌第為天水  
軍教授以功名自任制司命招忠義就  
以為總管所部皆兩界止命及武仙汪  
世顯麾下回回西夏十八族之不歸附  
者敵甚畏之目為短曹遍身膽友聞遂  
以遍身膽為旗號每戰勝即分其家貲  
以賞丙申秋八月二太子及塔海元帥  
以精兵五萬於初三日入大散關友  
聞議堅守沔州會合四川忠義赴沔制  
司連檄友聞屯大安友聞不可督以軍  
令友聞嘆曰武休出奇前既失機沔陽  
堅守今又掣肘以此誤蜀蜀必止吾與  
俱止矣九月九日於諸將曰前日沔州  
十六日至謀於諸將曰前日沔州



勢殊故制司北兵已墮其術不取動其奸謀欲誘  
我也制司北兵已墮其術不取動其奸謀欲誘  
得志大安平坦旦夕必併兵至若與之  
戰衆寡不敵止有雞冠山一堡可守然  
無糧無水諸君能堅守五日但恐糧盡  
若堅壁不戰何止五日但恐糧盡  
曰今見兵二萬以止一萬付汝等守此  
而自帶一萬出奇彼止謂我在堡上必  
乘攻汝等逆折其鋒為佯敗入堡我決  
夜擣其背以兩聲鼓為號聞聲則出內  
外夾擊又令大開陽平關以誘敵營內  
不立旗幟炊烟不出突雞犬不聲二營  
日大兵至十里皆二一上四入教  
場選精兵健將二一上四入教  
忠義七千人兩戎司兵七百  
後由大安渡江直經七篙堤上三百

餘里復渡江面幹來劉溪黑水一帶  
道出敵背退伏二門開無人大兵節次  
先有哨馬至見關門無全入伏兵  
斬之大隊繼至曹萬劇孝全麾兵戰  
外自辰至未大兵環堡擣塹排本數層  
駐雞冠山未大兵環堡擣塹排本數層  
之二軍乘裝戒諸將曰我曹家一軍  
令諸軍乘裝戒諸將曰我曹家一軍  
年忠赤報國聲撼秦隴今與汝等在敵  
之背正欲出敵不意蜀計奇制勝且北  
今號百萬為必取蜀計奇制勝且北  
用民之財正宜奮發忠勇立功報國  
家下報蜀民大奮當於死中求富貴  
先鋒夏用可提兵入陽平關直趨北  
營王漢臣呂嗣宗可提兵入陽平關直  
隘奪隘口入關統制王畏可專駐陽平



閔外秘敗馬君常夜劫寨止二三百人  
今提萬人謂之夜戰各帶白搭膊以全  
勝二字為號再三告戒途遂進行二謂  
里少憇值暴雨如注索途冥行嗣宗謂  
友聞曰今大風雨不日雞冠山無水  
在此待明朝友聞曰不日雞冠山無  
無城初約五日今風雨機八日此山  
技無所施雖大風雨機八日此山  
水牛嶺分三道入北北營轉戰至破  
十營直入陽平關北兵備內不曉破  
以雨作畫歸瓊帳殺死十數萬難冠  
之二兵聞鼓聲出堡夾擊轉戰至回  
為太子隊更迭馳突鏖戰二天八日  
未間友隊更迭馳突鏖戰二天八日  
將曰軍雖戰沒然殺敵亦過半將軍  
若突圍而後舉將軍身在敵  
不敵入蜀友聞乃率餘騎突陣而  
俱披靡至酉戌時友聞中流矢下  
關死之餘夏用等諸將皆戰死曹  
亦盡堅守此堡猶可制敵然即目  
與其坐待以止孰若突陣而出可  
不然而與敵俱死二若突陣而  
轉戰至龍門萬孝全死之王宣守  
里堡面中兩矢亦死曹兵苦戰司  
遠遁不遣兵為援三泉之下白骨  
大兵不意遣友聞盤旋安搜戰地  
得遍身膽旗及其屍後舉手加額  
世間有蜀矣制司嘗旌以元敵  
驅友聞昔年與大兵戰於花石峽獲捷

八集卷之二

十一



制參王公

十萬天兵壓錦城  
斂系華一瞬鎖連營  
小臣獨守紅蓮幕  
大義難忘白玉京  
虎倒龍顛塵瀆湊  
天陰雨濕燐縱橫  
唯唯白骨成京觀  
愁絕靈龜召禍萌

大兵既滅曹軍遂破閬州取潼川路直  
入成都十月十七日至懷安軍全堂縣  
策馬渡江成都太平日久不識兵革制  
使丁黼昏庸無謀哨馬至閬猶晏然十  
八日巳時哨至漢州牟池鎮鉄騎三百  
申時至成都城比駟馬橋城中忽聞有

軍至疑是潰兵大兵沿城至大東門徑  
登城十九日大兵往來城中居民皆縱  
觀向晚五巷內南商數人擒殺一騎民  
間始知是大大兵市人或執挺與馳或以  
几卓欄截街巷大兵沒出屯城外二十  
日巳午時再入城居民皆閉門有舉家  
縊死者有舉家自焚者制帥丁黼與甥  
王茶幹徐監倉遁微服至南門假道石  
笋觀音院哨及六人俱死二翔及僚屬  
屬俱遁惟制司參議官王翔及僚屬二  
人台軍民立賞格與共擊北兵東門二  
日大兵步騎十萬至成都入自東門二  
太子坐府衙文廳令卜者占其法用  
五龜寘五盤中按五方五龜動不止卜  
者曰民心不歸成都是四絕死地若住  
不過二世不若血洗而去二太子大書



火殺二字城中百姓無得免者火光燹  
百里火逼制參王翊公蒙乘笏堅坐兵  
士何龍扶至府衙東所避火大兵問是  
何人翊曰小官食君之祿臨難不能救  
死有餘責可急殺我相又問何以不去  
願與此城同死大兵相語曰忠臣也令  
人守之戒勿逼二兵相語曰忠臣也令  
火龍又扶翊至柳隄赴井死治

權知文州劉公銳道判趙公汝薈

江流移浚向南山渴死全城膽亦寒叛將  
文州在利州西路漢廣漢郡晉陰  
平郡浚周立文州唐文州改陰平  
郡復文州移治  
於故城高原上

踰城機盡泄嬌兒飲藥淚空潛封疆事去  
君臣在忠孝名存父子難丑萬軍民同日

盡可憐巷戰尚間閔韻出入

大兵攻文州權州劉銳通判趙汝薈激  
勵軍民八千堅守自九月十九日晝夜  
接戰五十餘城無水仰給江流大兵別  
浚江道移向南山城中水絕人馬渴死  
過半有具元都統陳昱以過拘文城夜  
踰城出降告以虛實攻益急銳自度不  
免夜集家人盡飲以藥聚屍及金帛誥  
命焚之銳家素有禮少子同哥銳所鍾  
愛飲藥時同哥猶在抱下拜而受之左  
右大慟銳與長子及餘兵皆渴悶僵立



不能行銳自殺汝薊安園被執鬻殺之  
城破餘兵皆奮空拳巷戰死被圍七十  
五日軍民死者五萬餘

### 綿漢簡州諸公

涪縣先主分立梓潼郡西魏置  
州隋改綿州唐改金山郡巴西郡  
復綿州宋朝因之○漢州漢蜀郡  
分為廣漢西漢新都國宋齊廣漢  
郡後周廢之唐立漢州又漢陽軍  
復漢州宋因之○簡州漢武分蜀  
郡置犍為郡魏置資州隋置簡州  
唐置簡州又改陽安郡後為簡州  
宋因之

綿漢風酸動殺機北來錢騎遍驅馳幾千  
里地弓刀運百萬人家骨肉禁鬼哭神號  
無限恨蠅姑蚋嘬有餘悲平生食祿何從  
避留取香名百世垂

大兵分哨入簡州知州李大全死知懷  
安軍史顯孫避于簡亦死○大兵至漢  
州通判權州劉當可與一宗室太保率  
民兵城守太守保出城往羅山謁賀靖借  
兵歸遇大兵見殺遂破城忿而血洗焚  
蕩死者十萬餘家當可與節制邵復知  
錄羅由教授袁拱辰知縣羅君  
父皆遇害知綿州范辰孫死



金州守臣和公彦威統制楊公福興

金州在利州東路秦漢中西城縣東漢西城郡西魏改金州立金城郡隋為西城郡唐復金州宋平蜀改昭化軍

魏貅曾是守饒風扞拓金房未易攻十八

谷開通徼外五千兵勁入關中賀蘭不救


睢陽敗諸葛猶存越雋功當日更推揚統

制馬傷軍沒箭飛紅

彦威守金丙申八月大兵入蜀時遣兵守饒風關不攻而過彦威與忠順軍統

制張珣謀擣其虛十一月提兵五千從金州箐口十八谷徑詣長安襲其家計寨是年北兵至成都不久駐者以彦威牽制也及大兵自鳳州出彦威始由上路歸其後諸州殘破彦威提孤軍守孤城外絕救援而堅壁屹立大軍數攻饒風不下乃自箐口斡腹明年六月大風谷中奄至百道攻城彦威死之金州從謀窺開達下瞿塘夔州路安撫盧普集兵命李安國節制諸軍分守雲安白帝等關十一月突至白崖統制揚福興戰不利普及安國遁福興再戰八蹟所部止三千殺傷相當收兵入關大兵四面蹙之前軍汪統制戰沒西門餘兵止三百人福興猶戰不已援不至死之兵皆沒





中華書局

十



